



Peqqissutsimut Naalakkersuisoqarfik

"Ukiuni arlalinni ilisimatuussutsikkut paasisat tunngavigalugit imigassaq aalakoornartortalik pillugu politikkimut innersuussutit"-mut tusarniaaneq

Ulloq:
22.01.2025

Suliap normua:
. 2024 - 24542
Allakkap normua
24917924
Allorfik

Niels Hammekenip Aqq. 41
3900 Nuuk
Oqarasuaat: +299 525343
Email: allorfik@allorfik.gl
www.allorfik.gl

Allorfik tusarniaassummut qujavoq. Imigassaq aalakoornartortalik pillugu politikkipaat siunissami atuutilernissaanut anguniakkap siunertaa *"siunissami imigassaq aalakoornartortalimmit innarlertoqannginnissaa"* toqqammavittut pingaaruteqarpoq. Anguniagaq pingaaruteqarlunilu pitsaasuvoq, Allorfik suliassaqarfittut tapersersuiinnarsinnaavoq - ullumikkut meeqqat inersimasullu amerlasuut tarnikkut timikkullu imigassaq aalakoornartortalimmit ajoquserneqartarput.

Imigassat aalakoornartortalit akitsorpata, pissarsiuminarnerinullu periarfissaq annikillippat atuisut atuineranut inuiaqatigiinni inooqataanermilu atukkatigut kingunerisai takusartakkatsinnut annikillisisinnaapput.

Imigassallu aalakoornartortalit akitsorpara nioqqutissatulli periarfissat annikillippata angerlarsimaffimmi nakuusernerit meeqqanillu sumiginnaasernerit annikillisisinerujuussasut ilimagineqarsinnaavoq. Siunissamilu pinerluttuliortartunik, meeqqanik inissiisernerit amerlassusaanik, aanngajaarniutinillu ajornartorsiutilinnut annikillisitseqataasinnaavoq kiisalu inuiaqatigiinni imminut toquttartut amerlassusaanut annikillisitseqataasinnaalluni.

Isumaqarpugut tunngaviit 10 imigassaq aalakoornartortalik pillugu politikkimut siunnersuutigineqartut suliassaqarfinnut immikkoortuni pingaaruteqarnerpaasut minnerunngitsumillu nunatsinni inuit meeqqallu pisinnaatitaaffinnut isumaqatigiissutit atuutilersimasunut naleqqiullugit. Tunngaviit pingaarnerpaat uku imigassaq aalakoornartortalik sakkortuumillu misigisaqarneq oqaluttuarisaanikkullu pillugit akornanni paasinninnerit ilanngunnissaat pingaaruteqarpoq.

Meeqqat sammineqarnerat qitiutinneqartut sisamaasuni innersuussutigineqartuni ilaatinneqarput, imatullu allaaserineqarpoq *"Suliniuummi meeqqat ilaqutariinni aanngajaarniutinik ajornartorsiutilinni peroriartussanngitsut aamma qanoq inooriaatsinik kingornuttakkat kipitinneqarsinnaaneranut immikkut ittumik suliniuummi qulakkeerneqassasut qitiutinneqarput. Siunnersuutit siunertaraat meeqqat illersorniarlugit ernguttarneq pinaveersaartinneqassasoq"* meeqqat pisinnaatitaaffiini tunngaviit 10-ni arfineq marlussaaf imatut allaaserineqarpoq: *"Inuit meeqqallu pisinnaatitaaffii qulakkeerneqarlutillu ilisimalluarneqartariaqarput Suliniutit tamarmik meeqqat inuusuttullu angerlarsimaffiini, najukkami inuiaqatigiinni inuiaqatigiinilu imigassamik aalakoornartortalimmik atuinernit illersorneqarnissai qulakkiissavaat. Meeqqat pisinnaatitaaffitik pillugit ilikkarnissai aallunnissaanullu ikorfartorneqassapput."*

Taamaammat siunnersuutip 9-at paasiuminaassinnaallunilu angujuminaassinnaavoq "Ilaqutariit tamarmik ilaqutariittut ikorfartorneqassapput - uaniunerusoq meeqqap ulluini 1000-ini siullerni" erseqqissarlugu "ernisussiortut, meeqqerisut ilaqutariillu tamarmik suleqatiginerini meeqqap ulluini 1000-ini siullerni ilaqutariit atorfissaqartitaat anguniarlugit ikorfartuissasut. Aaqqiissutit ilaat, ilaqutariit aalajangersimasumi meeqqerisunut ernisussiortunillu pissarsisinnaanngitsunut neqeroorut aamma taakkununnga atuuttoq qulakkeerneqassaaq. Tamanna assersuutigalugu tassaasinnaavoq qarasaasiakkut nakorsiartitsisarnikkut aaqqiissutit.

Meeqqerisut ernisussiortullu ilaqutariinnut meerartalinnut naartusunullu kiisalu atuartunut neqerooruteqareersimasussaasut, taamaallaat siunnersuisarput, ilitersuisarput peqqinnissaqarfiullu neqeroorutaannut innersuussuteqartarput aatsaat atorfissaqartitsisoqartillugu. Oqartussaassuseqanngillat. Ernisussiortut meeqqerisullu nakorsiartartunut oqaloqateqarnissamik sulisussanik aningaasassanillu pissarsigaluarpata ilaqutariinnut atugarliortunut meeqqap ulluini 1000-ini siullerni ikorfartuinissamut neqeroorutaasoq naammannersoq qularnarpoq. Ilaqutariinnut immikkut ittumik ikorfartuisinnaasut suleqatigiinnermillu oqartussaassusillit isumaginnermik suliaqartartut assigiiaarnerusumik aaqqissuusaasumillu periarfissaqarunik aaqqissuuseqqunarput, taamatullu nuna tamakkerlugu oqartussat attaviginerasigut tapiliussamik tunngaveqarlutik suliaqassagaluarput.

Imigassap aalakoornartutallip akiisa qaffanneqarnissaanut pissarsiariumiinaatsunngortinneqarnissaanullu tunngatillugu inassuteqaatinut tunngavilersuutit SHV-mit ima ilalerneqarput:

- Imigassamik aalakoornartortalimmik atuiunnaarnerunissaaq, ingammik aalakoorniutigineqartarnera eqqarsaatigalugu appassaaq, toqqaanartumik nakuusersimanerup kingunerisaanik peqqinnissaqarfimmut saaffiginnissutit, ajoqusersimatilluni napparsimanerit, kinguaassiutitigut nappaatit, kissaatiginngisamik naartulersarnerit, imminut toquttartut taamatullu imminut toqoriartartut aalakoornartortalimillu imersimatillutit napparsimasartut appariartinneqarnissaanut inassuteqaatit atuutilersinneqarnerisa kingorna toqqaanartumik taakkununnga malunniutissaaq. Nappaatit 200-t imigassamik aalakoornartortalimmit pilersinneqartartut pineqarput.

Inassuteqaatit atuutilersinneqarpata nunatsinni inuunerup sivilissusaa agguaqatigiisullugu qaffassaaq, nunat avannarliit eqqarsaatigalugit ukiunik qulinik maani appasinnerusoq eqqarsaatigalugu.

Inussiarnersumik Inuulluaqqusillunga
Inussiarnersumik inuulluaqqusillunga

Efraim Olsen
Nakorsatut siunnersorti Qitiusoqarfimmi pisortaq Allorfik